

南康縣志

卷一

星野沿革山水
津梁古跡風俗
土產

南康縣志卷之一

星野 氣候附

周禮保章氏以星土辨九州之地所封封域皆有分星
注曰鄭司農說星土以春秋傳曰參爲晉星商主大火
國語曰歲之所在則我周之分野之屬是也某謂大
界則曰九州州中諸國中之封域於星亦有分焉其書
亡矣堪輿雖有郡國所入度非古數也今其存可言者
十二次之分也疏曰吳越在南齊魯在東今歲星或北
或西不依國地所在者此古之受封之日歲星所在之
辰國屬焉故也吳越二國同次者亦謂同年度受封故
同次也賈說無稽孔穎達春秋正義已闢其謬曰周禮
雖云皆有分星不知其分孰分之也可稱卓識矣南康

縣隸豫章晉書謂豫章入斗十度而新唐書宋史謂屬
牽牛之分江西志論則謂南昌入斗八度贛州十二度
南安四度每天一度計地二百五十里康邑距省會九
百里有奇贛八十里府一百四十里不應天度如此懸
遠並錄之以俟知者

吳地斗分壅也今之會稽九江丹陽豫章廬江廣陵六安

臨淮郡盡吳分也
漢書地理志

星紀吳越也

鄭康成周禮注

按蔡邕月令章句自斗六度至須女二度謂之星紀之次

自南斗十二度至須女七度爲星紀於辰在丑吳越分野

屬揚州

晉書天文志

豫章入斗十度同上

斗牽牛星紀也初斗九度中斗二十四度終女四度自廬

江九江負淮水南盡臨淮廣陵至於東海又逾南河得

漢丹陽會稽豫章西濱彭蠡南涉越州迄蒼梧南海逾

嶺表自韶廣以西珠崖以東為星紀之分南斗在雲漢

下流當淮海間為吳分牽牛去南河寢遠自豫章迄會

稽南逾嶺徼為越分新唐書天文志

江南東西路蓋禹貢揚州之域當牽牛須女之分東限七

閩西略夏口南抵大庾北際大江宋史地理志

南安禹貢揚州之域星紀斗分明清類天文

南安天文斗分野明一統志

斗六星二十五度為吳之分野南昌入斗八度饒州廣信

同居七度瑞州三度建昌五度撫州六度吉安九度贛

州十二度南康臨江袁州南安俱斗四度而九江則入

牛五度江西志論

葛洪按漢志吳地斗分野越地牽牛女分野豫章吳也
一行以南斗在雲漢下流當淮海間為吳分牽牛去南
河浸遠自豫章迄會稽南踰嶺徼為越分則疆域舛矣
且十二辰次各得天度三十度三十度十分之十有三
奇無贏縮也今考星紀度數漢志引黃帝分星次越斗
十一度訖女七度蔡邕起斗六度唐書起斗二度皆得二十
九度費直起斗十度訖女五度皆得二十八度是星紀
度晉志起斗十二度訖女七度皆得二十八度是星紀
於一辰應得之度數為少一二度也皇甫謐起斗一度
訖女七度得三十九度是星紀於一辰之度數為多八
度半有奇也抑何不均之甚耶晉志以豫章入斗十度
廬江斗六度九江斗一度以為范蠡王詡張良諸葛亮
譙周京房張衡陳卓皆云然而星紀之次乃起斗十三
度則星紀析木各得斗度之半豫章與廬江九江當八
析木之津矣惟元郭元敬起斗三度七十七分八十五
秒訖女二度六分三十七秒則斗牛正在星紀之次吳
越亦當斗牛之分而各辰度數皆均庶幾近之然江西
古吳地既入斗分則析斗之度數以分配江西諸郡縣
亦當自有說而西江通志祖龔數分星之說而推之謂
南安屬斗四度此亦臆度無據之說也夫九江至南昌

二百餘里而遂差九度九江至南安千有四百里而
差三度九江斗一度至南安斗四度爲自北而南南安
斗四度至南昌斗十度又自南而北抑何顛倒錯亂理
不可通耶南康祇南安四縣之一又將何以分之

附陳之蘭分野論

天體渾一而不可分必據其可分者以分之故厯家隨
日月所經卽恆星之大而著者分天爲十二辰二十八
宿然後度數可稽日月之食可逆推而得分至啓閉之
節可辨乃可以閏月定四時成歲以此授時而敬天勤
民之道於是乎達蓋厯法分天非以分地也天人相與
之際一呼一吸常默而通之治亂得失之變事具於地
而氣通於天天垂象見吉凶必有人事以召之日星之
變雖在一舍乃天之全氣所呈豈以一辰應一方隅哉
分野之說始於保章氏以星土辨九州然書經秦火周

禮亦半出漢儒附會。凡封國皆有分星。必非周公之言也。卽如其言。以星土辨九州。豈以星土辨十二國乎。周初千八百國。在天一度當轄五國。在天一辰當轄百五十國。何十二之云也。周公時未有鄭。至宣王而始封秦。初時爲附庸。三晉之先。始封爲唐。不過百里。如分野果周公之言。安得以春秋戰國時國當之。且卽以州言。在天一辰得三十度三十分之十。三分有奇。豫州不滿千里。而配大火。揚州延袤六千里。而亦止配星紀。天之度無贏縮。而地之理有廣狹。何不均之甚乎。周之建國在雍州。說者以爲鶉火分野。秦得周地。而不居鶉火之名。周遷居洛。而不改鶉火之實。抑又何說。唐僧一行求星土之說。不可得。乃以雲漢首尾。辨兩戒山河首尾。據天

下形勢配合二十八舍以分野其言甚辨自西士司辰之法起而兩戒之說遂爲荒唐至若以始封之日歲星所在爲分野隨人所指轉徙無定非天地自然不易之數其說爲尤謬也凡信分野之說者以其地事應之驗信之而事應之驗昉於左氏春秋皆從事後牽合而曲爲之說耳魯昭公十七年有星孛於大辰梓慎知四國之火蓋緣明年宋衛陳鄭災而附會之也大辰火房宋鄭皆大辰之墟猶爲有說衛爲姬訾無可說矣乃謂營室爲水水爲火牡故亦當火此其理豈可通乎且裨竈言今此不穰鄭當再火則固已不驗矣宋嘗遇熒惑守心熒惑火星心爲火房必若梓慎之言星孛火房而四國災何以火守火房而宋不火也前此文公十四年有

星孛於北斗七年間宋齊晉之君皆見弑豈可謂宋齊
晉北斗分野取後此哀公十三年有星孛於東方未幾
而越滅吳吳爲斗分乃北方七宿之首何以孛於東而
北受其禍也昭公三十一年十二月辛亥朔日食在龍
尾史墨謂六年此月吳當入郢此蓋因吳柏舉之捷三
戰入郢而附會之也龍尾非楚分而史墨迂其說於庚
午之日日始有謫楚野在午楚敵惟吳以此推之夫庚
午在辛亥前四十一日日未嘗食胡謂有謫且楚爲鶉
尾周爲鶉火鶉火午分鶉尾已分其應宜在周而不在
楚乃周無事而楚獨受其禍此其說之不通亦已明矣
昭公三十二年歲在星紀吳伐越史墨謂越得歲而吳
伐之必受其害不出四十年吳當亡此蓋因後此三十

八年越滅吳而附會之也宋王偃敗齊楚魏之兵而國
亡不聞歲在元枵鶉尾大梁而宋伐之吳自取滅由於
驕恣與王偃等豈關是歲伐越之故乎春秋紀災異使
人思其所自用知警懼退自修省人事正於下則天道
順於上耳聖人不言事應豈無事應哉必據分野之說
求其地之事應以實之則十之九不驗而恐懼修省之
意怠矣事應既不驗則封國皆有分星其言決未可信
余觀周禮一書卽建國定賦之大端與孟子相乖刺者
不少又不但星土辨九州不足信而已其出於漢儒附
會無疑也或曰子不信分野之說需煥何以知劍之在
豐城曰張華乃好事人博物志殊多虛誕此必雷煥爲
豐城令見獄中寶光掘之得雙劍以其一與華遂造爲

斗間紫氣引煥共視知劍在豐城語以明劍之足寶是
亦博物志之類也安得據此以明分野之說必足信乎
國僑曰人道邇天道遠孟子曰盡信書則不如無書不
明斯義者不可與通論今古但志書例紀星野固當博
採羣籍並存眾說以備後人稽考耳

氣候附

南康在春秋屬吳故氣候於江南爲近

舊志每歲正月雨水

以後陰霾日多晴霽日少俗云春無三日晴

府志間有霜

雪氣寒不減隆冬

舊志

季春雨輒雷電時有烈風

府志春夏

之交活雨動經浹旬

舊志

四月梅雨蒸溽俗稱爛梅天亦

作霧地輒石礎皆潤

府志

夏至後少雨俗云夏雨不過

籬

府志

嶺南人呼過雲雨爲天笑六月多有

府志

康邑亦

呼過雲雨

新日

出而雨則生蟲

武定氣候

三冬多晴蜂蝶出

游草木小有萌蘖

舊志

冬或久晴桃梨花開不爲異

肝江氣候

春夏晴則暖雨則寒溫冷不常五月寒始退俗云不食

端午糴寒衣不敢送

新

芒種以後日迫於暑三伏炎酷

入秋彌烈俗云秋老虎

府志

白露後逢已俗謂占甲天

新

或謂蒹葭之誤

肝江氣候

九月始涼俗云不食重陽糕夏衣

不可打包

新

十月微有霜

府志

三冬積數霜至一旬餘或

二旬民喜預卜有年

肝江氣候

三冬不甚寒雪霰歲或一二

作池水有凝凍者得日隨解

府志

地無周時之風或發於

凌晨迫昏而止或發於午後來朝即止

贛府氣候

春東風雨

夏北風雨秋南風雨冬東風雪

新

郡志云瘴厲山谷有

之南康地勢敞闊無山嵐故鮮瘴厲視郡屬之他邑有

間云舊志

按康邑與虔州相距或數百里或數十里氣候不甚懸
遠茲採其相似者抄撮成編南康居虔嶺之北恆燠少
雪地氣所囿天氣
蓋亦從之云

南康縣志卷之

疆域

南埜漢始建邑。統今大庾、南康、上猶、崇義、信豐、龍南六縣地。厥後廢置不常。或析南埜置南安。或南埜、南康並設。或省南埜入南康。朝代榛蕪。幅員滄變。則猶未有畫壤也。宋淳化初。分南康、大庾、上猶三縣。別置南安軍。明正德間。析尚隆、崇德、至坪、三里、隸崇義。雖犬牙相錯。而鼇首鬬分。廣輪之數。可按籍而稽已。

南康地方縱長而橫縮。廣一百一十里。袤二百四十里。

按府志舊志。東西相距九十里。南北相距三百二十里。通志廣九十里。袤二百二十里。

東界贛州府贛縣。東南界贛州府贛縣。東北界贛州府贛縣。南界贛州府信豐縣。西南界贛州府信豐縣。本府

大庾縣西界本府崇義縣西北界本府上猶縣崇義縣北界吉安府龍泉縣萬安縣

揚府志西南至廣東保昌縣界大庾嶺一百二十里舊志西南至廣東南雄府保昌縣界一百二十里以大嵐裏為界考唐永淳中析南康縣東南地置南安縣尋改信豐隋析南康縣西南地立大庾鎮唐升為縣屬虔州則康邑西南壤地五十里外已析置大庾信豐二縣矣府志界大庾嶺舊志界大嵐裏皆大庾信豐界皆古南雄縣界也據漢南雄縣地志今日南康縣之疆域誤矣

一東陸大路自縣東門五里至東華山五里至金鷄嶺五里至星馳鋪五里至李家山十里至樟橋五里至潭口鋪十五里至五豕嶺共五十里與贛州府贛縣交界

接通志自縣東關外渡口六十里至五總鋪小誤

一東南陸小路自縣東門過藍田渡十里至羊子阮十里至分水垵十里至清田坊十里至上章嶺共四十里與

贛州府贛縣交界、自清田坊左行十五里至黃沙嶺、與贛州府贛縣交界、

按府志舊志、東南至贛縣界、黃沙嶺五十里、

一東北陸小路、自縣東門過芒東巷渡五里、至東山局分路行十里至樟木嶺、十里至邱邊渡十里、至范塘十里、至爛泥橋十里、至劉壩五里、至鳳岡墟十里、至壠前溪十里、至石龍頭五里、至坳頭共八十五里、與贛州府贛縣交界、由鳳岡墟分路行五里至雞公嶺十里、至虎嘯嶺與贛州府贛縣交界、

按通志府志舊志均遺

一南陸路、自縣南門過渡十里、至五馬歸槽十里、至石子垌十里、至黃泥巷十里、至龍迴墟十里、至峒嶺共五十

里與贛州府信豐縣交界

按通志自縣三十里至龍迴堡信豐界
府志舊志南至岷嶺四十里均小誤

一西南陸大路自縣西門由西華山十里至古鎮鋪十里
至伏潭鋪十里至賢女鋪十里至青泥鋪十里至分水
垌共五十里與本府大庾縣交界

一西南陸小路自縣南門過渡五里至窩頭上十五里至
壩尾五里至踞口十三里至高洲五里至鍋窖墟十里
至石塘孜由石塘孜右行十里至龍潭面十里至大垌
裏五里至龍華山共七十八里與本府大庾縣交界由
石塘孜左行二十里至竹篙嶺十里至蓮花鵠與贛州
府信豐縣交界

按府志舊
志均誤